



**ҚАЗАҚСТАН РЕСПУБЛИКАСЫНЫҢ**  
**ҰЛТТЫҚ БАНКІ**  
**2007 ЖЫЛҒЫ 2 ШІЛДЕДЕГІ**  
**№ 27 БАСПАСӨЗ РЕЛИЗІ**  
**Халықаралық резервтер, ақша базасы, Ұлттық**  
**қордың шоттарындағы ақша қаражаты және**  
**ағымдағы жылдың шілде айында ноталар**  
**шығару кестесі туралы**

**1. Халықаралық резервтер және ақша базасы.** Қазақстан Республикасы Ұлттық Банкінің халықаралық резервтері (Ұлттық қордың ақшасын қоспағанда) және ақша базасы 2007 жылғы 29 маусымда мынадай болды:

	Ағымдағы бағалармен	Тұрақты бағалармен <sup>1</sup>
<b>Халықаралық таза резервтер, млн. долл.</b>	<b>22 371,8</b>	<b>22 343,0</b>
оның ішінде:		
ЕАВ-ғы таза активтер <sup>2</sup>	20 915,2	20 915,2
Алтын	1 456,6	1 427,8
<b>Ақша базасы, млрд. теңге</b>	<b>1 666,7</b>	<b>1 666,7</b>
Тар ақша базасы <sup>3</sup> , млрд. теңге	1 598,1	1 598,1
ЕДБ-ның ҚРҰБ-ғы мерзімді депозиттері <sup>4</sup> , млрд. теңге	68,5	68,5
KZT/USD (кезең соңындағы)	<b>121,66</b>	<b>127,00</b>
Алтынның бағасы (1 троя унциясы үшін USD-мен)	<b>648,50</b>	<b>635,70</b>

*1* теңгенің АҚШ долларына бағамы және алтынның бағасы 2006 жылдың соңындағы жағдай бойынша көрсетілген.

*2* ЕАВ-ғы таза активтер – бұл ЕАВ-ғы жиынтық активтер мен резидент еместер алдындағы міндеттемелердің арасындағы айырма

*3* Тар ақша базасы – бұл ЕДБ-ның ҚРҰБ-гі мерзімді депозиттерін есептемегендегі ақша базасы

*4* ЕДБ – екінші деңгейдегі банктер

2007 жылғы маусым айында Ұлттық Банктің халықаралық резервтері ұлғайды.

Ұлттық Банктің ағымдағы бағалардағы таза халықаралық резервтері 2,8 % (немесе 616,5 млн. долл.) өсті.

Ай ішінде Ұлттық қордың активтерін толықтыру және Ұлттық Банктің алтынвалюта резервтерінің шотынан Қаржыминінің сыртқы борышына қызмет көрсету бойынша операциялардың жүргізілгеніне қарамастан екінші деңгейдегі банктердің Ұлттық Банктегі шетел валютасындағы корреспонденттік шоттарындағы қалдықтардың ұлғаюы, ішкі валюта нарығында валюта сатып алу және Үкіметтің шоттарына валютаның түсуі валюталық қорлардың ұлғаюына алып келді.

Нәтижесінде таза валюталық қорлар (ЕАВ) 634,9 млн. долларға өсті, әлемдік нарықтардағы бағасының 1,23 % төмендеуі нәтижесінде алтындағы активтер 18,4 млн. долларға төмендеді.

Ұлттық Банктің таза халықаралық резервтері тұрақты бағада 2,9 %, ЕАВ-ғы таза активтер 3,1 % өсті, алтындағы активтер шамалы 0,01 % төмендеді.

Ұлттық қордың ақшасын (алдын ала деректер бойынша 17 642,8 млн. долл.) қоса алғанда елдің халықаралық резервтері (ағымдағы бағалардағы) тұтастай алғанда 2,0% ұлғайып, 40 018,0 млн. долларды құрады.

Ұлттық Банктің таза халықаралық резервтерінің 2007 жылғы маусым айында өсуі ақша базасының 4,0% (немесе 63,9 млрд. теңге) кеңеюіне себепші болды.

**2. Ұлттық қордың шоттарындағы ақша қаражаты.** 2007 жылғы шілдеге Қазақстан Республикасы Ұлттық қорының (бұдан әрі – Қор) шоттарындағы айырбасталуы тиіс ұлттық валютадағы сома **5,6 млрд. теңге** болды.

Қордың активтерін конвертациялау және қайта конвертациялау ережесіне сәйкес Ұлттық Банк 2007 жылғы шілде айы ішінде Қордың ақшасын одан әрі инвестициялау мақсатында осы соманы рұқсат етілген қаржы құралдарына айырбастауды жүзеге асырады. Айырбастау Ұлттық Банктің алтынвалюта активтерінен шетел валютасын немесе шетел валютасындағы қаржы құралдарын Ұлттық Банктің операция жүргізу күнгі ресми бағамы бойынша сату не шетел валютасын ішкі нарықта операциялар жүргізу сәтінде қалыптасқан бағам бойынша теңгемен сату арқылы жүзеге асырылады.

Бұл ретте Қордың шотына теңгемен түскен түсімдер бір ай ішінде кепілдік берілген трансферттің бекітілген көлеміне сәйкес ағымдағы айдың соңында немесе келесі айдың басында жүзеге асырылатын кепілдік берілген трансферттер түріндегі Қордың шығыстары үшін жеткілікті сома жинақталғанға дейін айырбасталмайды.

**3. 2007 жылғы шілде айында Ұлттық Банктің ноталарын шығару кестесі туралы.**

2007 жылғы шілде айында Ұлттық Банк мына Кестеге сәйкес қысқа мерзімді ноталардың 4 аукционын өткізеді:

<b>күні</b>	<b>Айналым мерзімі, күндер</b>	<b>Шығарылымының жарияланған көлемі, млрд. теңге</b>
06.07.2007	28	200
13.07.2007	91	200
20.07.2007	28	200
27.07.2007	28	200